

لين الغلابة



شعر

عبد الله رجب ابو عدنان

ليل الغلابة ...

شعر

عبدالله رجب ابو عدنان

ليل الغلابة
عبد الله رجب ابو عدنان
تصميم الغلاف للفنان / أحمد فريد
دار
البديع العربي
للطباعة والنشر
ن / 01061635162
رقم الإيداع: 2022/8466
الترقيم الدولي: 3-1400-94-977-978

إن الآراء الواردة في هذا المصنف لا تعبر بالضرورة عن آراء
وتوجهات الناشر وإنما تعبر عن رأي المؤلف فقط

يمنع نشر أو نسخ أو ترجمة هذا المصنف أو جزء منه بأي وسيلة
تصويرية أو إلكترونية أو ميكانيكية بما فيها التسجيل
الفوتوغرافي والتسجيل على أشرطة أو أقراص مضغوطة أو أي
وسيلة نشر أخرى بما فيها المعلومات واسترجاعها بدون إذن
كتابي من المؤلف طبقاً لقانون حماية الملكية الفكرية رقم ٨٢
لسنة ٢٠٠٢ والقوانين المماثلة لها

الإهداء

إلى ...

أمي أغلى شيء في حياتي،

إلى ...

زوجتي وبناتي الخمسة

اللاتي يرسمن البسمة على وجهي الكئيب

وإلى ...

إخوتي أحبكم أكثر من روحي لأنكم روحي

وإلى ...

والذي زرع في حب الخير والناس

الشاعر

عبدالله رجب

ليل الخلافة _____

ليل الغلابه ...

ف صناديق الزباله تلاقي قوت
قطط وكلاب وبني آدمين
ناس همها تجمع مرجان وياقوت
وناس ع الرصيف نايمين
الحياه شبه الموت
هما مخلوقين من نار
واحنا من طين مخلوقين
ليل الغلابه ممقوت
نفسنا ننعم بليله
في دنيا الشعبانيين
الفرحه في عيون الفقير سكوت
أما الغني فرحته ف جمع الملايين
الآخره تمنها غالي و بشروط
والدنيا بترقص بالصاجات للملاعين

الماحب الأصيل ..

ناس بتجري ورا العويل
تكذب الكدبة وتصدقها
أول واحد يخونك وبالذليل
الضحكه الصفرة تملي يوزعها
اجري ورا اللي يظهر عيبك
وف الغلط يقولك لأ
مش معاك علشان جيبك
وتملي يقول الحق
مرايتك وصديقك وحبيبك
مش من هواه الهء والمء
ولا الرقص ع الحبال والتطويل
وعنيه على بيتك ما يرفعها
هوا دا الصاحب الأصيل
ودي الرجولة اوعى تخسرها

ليل الغلابة _____

سكة مهجورة ..

ف سكه مهجوره
ف جيبي صوره
حضنتها وضمتها
كلمتها وشوشتها
على خدها بوستها
نزلت دمعه حاميه ومقهوره
ملست عليها بالراحه
دي كانت حذرتني م الصراحه
وان الواسطه دباحه
وعيونها واغصانها مسمومه
زرعت شجره حب وموتوها
رويتها بحناني وبكايا
ودموعي واحزاني
حتى الحظ بكاني
مع اني لفيت كل المعموره

ندمان ..

كتبت عن ناس وزينتها
وف برواز حلو بروزتها
وندمان على كل كلمة قولتها
إزاي تكشف عن قلوب وسوادها
ولا عمري طلبت مصلحه لما اجاملها
وكانت نيتي سليمه وقتها
ويا ما انخدعت ف ناس كنت بحبها
ومش عيب لما اقول على غاطه غلظتها
وناس بتحبني غلابه زيي وانا بحبها
اوعى تلموموني وزرعه الحب زرعتها
اتاري قلوبهم محجره وضلت طريقها
يدوب الغمز و اللمز وبعنيها تجرحها
وضحكه صفره سم ع الخلق توزعها

الأنا ...

بصيت على نفسي لقيتني مش أنا
حاولت امشي واكسر الأنا
شدتني مرايتي وجوايا دندنه
حتى شكلي متغير
حطيت اديا ع الوجع
اتاري الجرح ف كل مكان مسمع
لا منظره ولا وجاهه ولا دلح
وكنت فاكر نفسي بهزر
كسرت مرايتي ف لحظه طيش
طار الدم من النخاشيش
من اسكندريه ولحد العريش
وم الهم جلدي ما اتأثر
وانا اللي حبيت اجلد ذاتي
لكن الوجع حتى ف سكاتي
وما قدامي إلا دعواتي وصلاتي
واتغلب ع الأنا واصبر

أرض الغلابه ...

طول عمرك محسساني بالخوف
ببكي وبكاياء مداريه الكسوف
يعني يكون عذابك ليا موصوف
وكنت فأكرك الراحه والسكن
يا أرض الغلابه ضميني
م الغلا والشقا ارحميني
انا شايلك ف نن عيني
وما فيه بعدك وطن
لفيت احلامي ب علمك
بدموعي بنيت حلمك
يا حبيبتي يكون ف علمك
انا مغير نيش الزمن
بصي حوالكي وشوفي ولادك
ف وقت الضنا كلنا خدامك
يجوز تعيشيني ف اوهامك
يجوز بس نعدي المحن

يجوز الأرض تتشقق
وكل العيون م الغيره تبرق
يجوز إن عمري كله أتعب
و اخاف على مستقبلي و اقلق
لكن بحبك حتى وانا ف الكفن

أرسميني ...

ارسميني جوا عنيكى حرف
أو طيف جميل
يمكن تتلاقى النفوس صدف
ويا محلا الصدف
لما القلوب تميل
ارسميني قلب أو حضن
يعدي بينا فوق المحن
ولا اقولك ارسميني تغريده وطن
ولا قماش ابيض وكفن
ما انا ف حبك عليل
غنيني غنوه جميله
ف زمن السخف
وياما مراكب العاشقين بتحدف
واعمل حبك شرع
وبتنهيده قلبك نجدف

وببرهن على حبي بـ ١٠٠ دليل
ارسميني دعوه أم
رافعه ايديها للسما
نفسها ترتاح م الهم
وبتتهد وجع و تمتما
ولا اقولك ارسميني
شاعر الغلابه
على كفك من عيله خليل

غلبان ...

غلبان وديكه زعق
لبس اهله الصوف والكشمير
من صوانه الصوت برق
دا مات من اكل لحم الحمير
حتى بعد موته غرق
مستكترين عليه انه فقير
لو كان ما بينهم نطق
انا جوايا حب الخير
دنيا كل اللي فيها ورق
وكده كده عليك الدور
لو حرامي من إياهم سرق
كانو قالوا مات سيادة الوزير
لكن اكمنه غلبان يعني اتحرق
وهوا بيدافع عن الراجل الكبير
كان نفسه ف شويه مرق
عمره ما حلم أنه يبقى أمير

أكبر خساره ...

ياما خسرنا ولسه ح نخسر
و الايام من دا على دا
كل ما نقع نقوم
الخوف جواه سموم
ما فيه حاجه بتدوم
وخسارتك لنفسك تكبر
او عى ف الخساره تتمادا
عامل الناس باحسان
الاخلاق طريق و عنوان
تحس بالحب و الأمان
وع الخلق او عى تتكبر
تخسر حياتك ولو كلها عباده
عيش بخير وحب و سلام
المحبه مش تزويق و كلام
وما تأمن لغدر الأيام
العمر مهما طال بيقصر
والبسمه ممكن تخلق السعاده

أنا العليل ...

جدائل شعرك
مشوار طويل
حبي قدرك
وانا العليل
انا المكسور تحت جناحك
واشوف الكون ف براحك
وافرح ف افراحك
ونفسي أرد الجميل
انا الساهر عن دنياكي
حياتي وروحي معاكي
ف حضنك يذفيني هواكي
وغواني الميل
انا الناكر لوعدك
ومهما ابعد برضه بحبك
ما ارتاح الا على حجرك
وعنك ما فيه بديل

الف كما الطنبور واعيش الدور
وف عنيكي نور
وزيك ما فيه بديل
ياخذني الغرور ساعات
واجري ورا البنات
لكن انتي اصل الحكايات
وارجع لعشي ذليل
تقبلي وتضمي وعليا تسمي
حبييتي واختي وبنتي وأمي
والنهار والليل
الدوا لجروحي
لكن بهواكي بوحى
مهنا عليت صروحي
وانا واقف قدامك
كني طفل هزيل
ما انا العليل

الجلوف بلدنا ...

الخلو ان ف بلدنا
ملاكنا زي شيطاننا
واللي بيسرق أوطانا
نزيد ف احترامه
ونركع قدامه
نفرح لفرحه و نحزن لحزنه
نعيط و نظيط و نتنطط
زي ما يكون الخوف مكهربنا
ارقص واتحزم
اضحك حتى وانت بتتألم
اوعى تتكلم
مقامك عالي حبيبي يا غالي
ربنا يعزك
مفردات مهزوزه
زي حجرين ع الجوزه
ونفس مقطوع

واكح والكحة
من بين الضلوع
ضحكه صفره تستفزك
توصف أحوالنا
زي الخوف م البوكس
وكله هجص ف هجص
رص يا عسكري رص
وتتنفس هوا ما اقولكش
ثاني أكسيد الكربون
وف اديك كلبش
وف همك مسجون
ومخبر بلادنا ف اديه أحلامنا
متر ف متر والوش منكسر
اللي يحلف واللي يدعي
واللي يسابق الزمن

ويلاقي مطرح ع البرش
والسنين ما تتحسبش
يا دوب نرسمها
شخابيط بالدم على حيطاننا

أمي ...

بصيت بطرف عيني
شايف الحسره ف عيون أمي
وكل ما اقع عليا تسمي
وتدعي وجواها تمتمة
تقوم ف صلاه الفجر
تتوضا وتصلي
لابسه توب الصبر
بفرحه تقوم بدري
راضيه بالنصيب و القدر
ويفيد بايه شكري
ورافعه اديها للسمما
تعبت مره فضلت تبكي
بدموعها غرقت هدومي
يا شايله الحمل عني
لساكي قادره قومي

مين غيرك يشيل همي
يا معلماتي الحب والوفا
تعبك ما بيروح هدر
وانا قدامك يا حبيبي بصغر
ما شاء الله عليكي الله اكبر
زرعتي الخير وطرح ونما

اخوات ...

اخوات ضعاف النفوس
أكلهم السبع
لما بقى كل واحد لوحده
اللي غما عنيه
واللي انطرش عن السمع
وما حد نفد م الهم بجلده
بعد ما كانوا قوه
ظهروا يا دوب أشباح
زادت ما بينهم الهوه
والفار قلب تمساح
شوف المجازر ف كل حته
اللي ببيقتل واللي بيحرق
واللي يولع
وجسد جريح جاله جلطه
بالخلاف وصلوا لطريق مسدود
ما له مرتجع

غبار الطل ...

غبار الطل على عيني
وروح الحزن بتناديني
تندھلي ساعه صفا
تكسرنى وابقى كلى عضم
تقلبنى ومن جوايا هم
وتلف جوايا ايه الحكايه
شيء انكسر وما بيتلم
مش مج قزاز
دي ناس عزاز
أو كانوا ف برواز
صبحم كسر ورزاز
ودخان بيغطي ع اللحم
ولقولي صابهم عما
وعلى ايه متمسك بالشعر
العيون الحسان و الخصر

دا الهموم تقطم الضهر
يمكن لاني بالحلم مهووس
ويمكن لأن حظي موكوس
ولازم أخذ القرار ويكون مدروس
وليه المحبه بينخر فيها سوس
وليه العيون متألمه
الحب ف طبع البشر
نستلفه ولا نرضى بالعدر
والعمر بيروح هدر
وف حضن اخواتي الدفا

ساعة العصاري ...

ساعه العصاري والشفق
قرص احمر وغسق
كتف بكتف اتسق
والحب ف القلوب رشق
والنور والسماحه
ونفوس راضيه ومرتاحه
وعيون بالخير وضاحه
والشرف بير ونفق
عمه بيضه وجلابيه
حب الغلابه شرف ليا
وع الارض القعده عاديه
البساطه روح فيا
وبالاخلاق تفوز ب السبق
حبوني زي ما بحبكم

عارفني واحد منكم
صحوا طيبه قلبكم
وحياتي ف قربكم
والنجاه م الغرق

خطوتي ...

هدد خطوتي واتمم
واشوف بنفسي الحلم
يمكن انسى مرارته
وجعه و آلامه
غروبه و هروبه
وادوس على كمه واخليه يتكلم
واحكي حكاوي من ع القهاوي
اغني غناوي
حزينه بتكح
م الهم بتسح
وم الخوف على بكره
خطوتي تايهه
في بلد تغمي عنيه
خايفه م الدخان ليغطيها

ليه وليه اكون فيها؟
وليه الخطوة؟
بعيده وتسلم
وف سرداب الليل
يشوفوا شاعر
للمعنى اصيل
من قلب الحاجر
بيغني مواويل
وعن الحق ما يتاخر
ولجراحه بيعافر
ويلملم ف مركب
كانوا شادين الرحال
معايا من صغري واحنا نسه عيال
اتلفوا بعبايه م الحسد والمحال
اكني فارس ف ضي العتمه

الف وادور حوالين الكلمه
موجوع بجدايل السنين
واحكي والحكي حزين
وافرح لما ينادوني
بشاعر الغلابه والشقيانين
ووسط الفرخ من قرايب
خلان كانوا وحبايب
يضر بوك بصاروخ مسمم

مدرسة الحياة ...

ف مدرسة الحياة
الوجع و الآه
و الصوت بلغ مداه
حلم و حلمت حب و حبيبت
حزن و ياما بكيت
والألم ازاي انساه
اتكعبلت ياما ف وشوش
صعبه لقمه العيش
وصحاب معظمهم فاشوش
إلا شويه م الغلابه
حقيقي الدنيا غابه
واللحظه بطن وقلابه
والصوره الحلوه
لابد فيها رتوش
والموت لازم نستناه

حبيبه تعشق الهوس
والحب عمله وفلوس
حتى لو بقيت هويس
وقلب صدام الخلان
واخوه فبحر التوهان
ايه غير الإنسان؟
وف الفاضي محبوس
وعلى طول عايش فمأساه
بيضحك والضحكه عبوس
وتكشيره تموت صاحبها
ودنيا صعب تعاتبها
وأوراق نحاول ترتيبها
ومهره كنت فارسها
خلت سنيني معناه

كارت احمر ...

كارت احمر للي يماين

واللي يخون

واللي ما يقدر حبي

وعليه أهون

واللي يحسد واللي

ف غيرته مسجون

كارت احمر للي

بيدور على تمن

واللي يتغير

مع مرور الزمن

واللي يتخلى عنك

وقت المحن

أو يعيش ما بين الناس ممتهن

وعلى اقل شيء تلاقيه مغبون

كارت احمر للي يشغل طريق
واللي يولعها خراب وحريق
واللي يبخل بكلمه حلوه
تبل الريق
واللي يضربك ف ضهرك
ولسه صديق
واللي يتكبر ع الغلابه
وكأنه فرعون

اللي باقي ...

لأول مره ايديا ترتعش
وأحلامي تتفرط و تنكمش
حاجات جوايا
كانت متفقه
دلوقتي بتختلف
نفسي اضحك ومش قادر
الدمعه شلال هادر
قلوب قلبت محاجر
ومن الكلمه الحلوه بتتكسف
دنيا بالكذب عايشه
وعيون الصبيه زايغه
ونفسي مني تايهه
وطريق الحرمان بيتصرف
اللي باقي قصير م العمر
يا دوب فرطة كعب

نص حلم خايب
وربع غدر
وربع مر
وحضن ليه العجب
من بره بارد
ومن جوه كما الذهب
والعقد انفرط
وما باقي إلا شويه كرامه
على شرف

ليل الغلابة _____

اسند زهرک ...

اسند ضهرك وقوم
يا شايل جبل الهموم
ف زمن الرده
القلب اللي ياما إدا
غابت الموده
والظالم زي المظلوم
اسند ضهرك للغلا
اوعى تبوح بالبكا
لا يفرح فيك العدا
كلنا عيوب ومافيش معصوم
اسند ضهرك لسه المشوار
طويل
زنزانه ومحاكمه فقير
ذليل
محرومين من ضي
الليل

ومكتوب على قورتك

اسند ضهرك

العيون مش شايفه

من ضي البنادق

مذعوره وخايفه

ولا مشغوله

بنانسي وهايفا

والعلمين زي السلوم

وبرج عالي م الاغنيا

بنكنوت أخضر م النداء

واحنا راسمالنا رضا

ونقضي عشانا نوم

اسند ضهرك وقوم

مانيشش نببي ...

مانيش نبي
زي يوسف اتحمل أذى اخواته
حتى اليم
غرقان دم
وقميص يعقوب
لما ارتضى بالمكتوب
ورد بصره
الإيمان ف أروع اوقاته
ومانيش ايوب
الصبر ليه عنوان
مكتوب ف طي الكتمان
وبيسرد الزمن حكاياته
ومانيش نوح
إحنا ف زمن البوح
الوجع و الأئين
لو يوم حزين

نهر الحزن واسعه صفاته
سفينه نوح كانت نجاه
وقميص يعقوب حياه
وصبر ايوب عباده
وموسى شق البحر بعصاه
مانيش نبي
إنما بشر معجون
بميه أخطاء
لو بصيت ف عيوني
تلاقي حزن
مش خوف ولا جبن
إنما حياء
مانيش قلم
بيخط حروف وخلص

أو إني مثالي
هوا دا حالي
بشر زي كل الناس
الحب دم ف وريدي
نفسه يضم كل الأحبه
اللي عايشين واللي ماتوا

غشيم...

غشيم ف الجبر والحساب
من يومي
اتحاسبت مع صاحب
زود همومي
طلعني محقوق واخذ حتى
هدومي
ظلم القرابب خلاني اكمل عشايا
نومي
غشيم ف الحب
وكنت فاكر نفسي حبيب
ضعفت قدام الحب وودوني
للطبيب
نصحني وقال لا تعشق ولا
تحب
الحب يا ابني مهلكه وانت اصلك
غشيم
عن العشق والغرام لازم تصوم

ليل الغلابة _____

الشتا ...

عمري ما حببت الشتا
ولا البرد ولا السقيع
حتى ف ايام الغلا
مصارين ف بطني ف تقطيع
ليل طويل م الشقا
واتقلب م الجوع
مالو الشمس والدفا
وحلاوه ودلع الربيع
ويفيد بايه البكا
وتفيد بايه الدموع
ف سكه الغلابه ليا عزا
والقلب عليل موجوع
جربت تنام من غير عشا
ولا تنام ف ضوء الشموع
قلبي من غفوته اهتدى

وخلص بقيت رفيع
حب بلدي ف الحشا
والمنظر حلو وبديع
وف كل فصول السنه
خريف عمري ليه سطوع
لكن الفرحة والهنا
سافر و ما عاد ليه رجوع
عمري ما حبيت الشتا
ولا البرد ولا السقيع

ف القش ...

ف القش ناس مستخبيه
زي الهموم المنسيه
كل حاجه حلوه
خلاص بقت عاديه
والحلو زي المر
ماله العمر بيعدي
وصاحب ياخذ ما يدي
يا حظ استنى وهدى
وخيوط الحزن بتكر
على لقمه رغيف
هزار ممل وسخيف
القلب اللي كان نضيف
بقى ماليه الشر
ف القش ناس قبت ع السطح
وناس تدوس ع الجرح

وناس تعدي ما تصبح
وعلى لقمه حاف تقرر
ف القش اصحاب ع القهوه
نسيوني على سهوه
بيات لا غدى ولا عشوه
ويحب الناس
روحي هيمناته و بتفر

التركة ...

متوزعه التركه
ودوس ع الأحران
تكه ورا تكه
اوعى يتوه حلمك
يوم ف السكه
او تتبدل المعاني جواك
او تفتكر إن الكون قلب ملاك
حتى الحظ ما عاد يستناك
يا دوب شويه فكه
غيمه طويله م الوجع
اتكاتروا ع الجدع
غلا وبكا
وليل اتبلت خطاويه بالدمع
حتى الصلا
قفلو الجوامع

وما عاد فيه وتر وشفع
وف جزيرة البجع
كله اتعرى
خلع توب الحيا
ونزل غطس ف البركه
هموم الغلابه طرحت قسوه
واغنيا فاكرين كله خدم
حتى الرحمه ما بين الإخوة
بقت هيا سوا والعدم
ورثونا تضليل وزيف
ننام ونقوم ع الرغيف
حتى حياه الفقير
ارض بور
مدلدل مكسور

صوابعه مشققة
وعيونه مبرقه
وجته متمزقه
وكل حاجه صابها التحريف
ولما حبوا يضحكوا
يتبهرجوا ويهيصوا
وع التت يرقصوا
شلحوه من حلمه
ولبسوه بالطو ابيض
وكتبوا بخط احمر
لدواعي أمنيه
لازم يروح الخانكه
وكملوا الرقص عادي
ووشوشوه
تقبل تكون م الخدم؟

تاكل ما فيش
او كسرة عيش
تلبس خيش
وتعيش درو يش
وتتحمل أي كذب او تلطيش
واصحاك م الكلام
واقف على مضمض
جسمه مععضض
خدوا ضحكته وصوته وخنوته
حتى ف موته
يا دوب شير ف الارض
وكفن من دم الغلابه
اتفرض فرض
وف عزاه الدم للركب
وكانت مدعكه

يا مخطيه وشك...

يا مغطيه وشك
بوشاح اسود
زي عتمه الليل
وهو الحب محتاج دليل
عارفين اللي غشك
وخلع الوتد
وبياكل من خيرك
خلاص كبر الوتد
ونسى يرد الجميل
يا نظره بعيون الملامه
دي مجرد غمامه
واجيب ف ايدي العوامه
ونجندف ونخلف
لوعدك يا امه ما نخلف
مهما يكون الغلا
ولو نمنا ف الخلا

ولو ضاعت روحنا ف الفلا
إحنا ولادك وقت الضنا
حتى لو عمرنا كله نستلف
يفضل هواكي سلسبيل
ف صحن غرقان هموم
نشوف عليه القوم
تركب وتشب ع المظلوم
لو انطلب العمر صوم
اسعد بقربك
وحضنك وشمسك وضلك
وايه العجب ما انا خللك
وعقد المحب ازاي يحلك
لكن غواني الزيف والتضليل
ما باقي مني غير هيكل
ربع دموع وربع مشكل

ونص مر صبر مخلل
ف صفايح التوهه عفن
وصيتي علمك يكون كفن
عاشق وعشقي متمكن
وبين ضلوعك يا حبيبتي اسكن
واشفي م الهم غليل
وصيتي ...

انفد بجلدک ...

لما تلاقي الدنيا حاطه عليك
انفد بجلدك واخلع
خلي عمل الخير بين ايديك
بصوت الحب الكون يسمع
وانفض غبار الحسد
عن كاهلك وعيونك
اطلب العون والمدد
م المولى يصونك
ما تتعشم ببنت ولا ولد
كله يبييعك ويخونك
الكلمه الحلوه راح تدفيك
وتخفف عنك الوجع
ربك عالم بحالك وداري بيك
او عى تفتكر نفسك ف يوم
إنك مفيش منك
وإن إنت الجدع

ضي الليل..

بنت ساكنه ف ضي الليل
ماسكنه نجوم السما
البحر والتمتما
عشق و نور
مصايح متوجهه
بترسم دليل
راسمه ضحكه وفرحه
على جبيني الحزين
وقت الصفا
مالو اختفى
قسوه الايام ولا البنت اسيه
والحلم عارف الطريق
والعتمه بتشق
سرداب العاشقين

مانيش نبي م الانبيا
ولا حتى ولي
الضحكه مفارقاني
صحابي وخالني
حتى صدى النهار
اوام خلي
كل حاجه فينا
قسموها نصين
وقاعد وحدي بيني وبين حبيبي
الف ميل

کتر خیرک..

يا ام الضفاير زاد حسنك

الطيبه ف ملامحك و رسمك

طينتك و سمارك

ليلك و نهارك

ف العلالى صابنه أسمك

مالينا حزن غيرك

نتنفس هوا عبيرك

يا حبيبتي كتر خيرك

منايا لما اموت

يلفوني ب علمك

ف كل الأحوال بنحبك

وكله يتمنى قربك

رغم الغلا والههم

نفديكي بالروح والدم

بنقول وكننا عشم

ربنا ف القرآن ذكرك

ورقه و قلم ..

قرطاس و قلم
وحديت ف لغم
ف زمن النغمات
كل شيء مات
كنه صار عدم
على كرسي الحياه
مفيش مكان لل آه
الاهة ف زوري محشوره
بتطلع لكن بصعوبه
حزينه تبكي
طول الوقت مقهوره
ما بتنطق إلا بالألم
اكتب يا قلم

زي ما اتعودت ليه دالوقت سكت

مالك ما بتكتبش زي زمان

مالك بترتعش وجبان

خايف ولا هرمت

ولا نسيت ترسم العلم

تعجب م القول ...

هافضل احبك واتغزل فيكي
تاسي عليا وابوس اديكي
وساعه العدا اول واحد يحميكي
وغرامي يطول
ف ترايك اندفن
وحياتي وروحي كفن
ياما واجهنا محن
وما كسرك غول
اكشر وتاخديني ف حضنك
طارحه بالحب سنابك
ليلك ونهارك وصبحك وشمسك
شرقك وغربك
على كل عيوبك قابلك
وف كل الاوقات بحبك

وتعبت م القول
كلمتين وربع
عبدالله رجب ابوعدنان
كلمتين طنوف الدماغ
العويل ما يساوي صاغ
ولا اللبس والمساغ
ولا اللي بياخذ م الشكل ستار
ينفخ بلالين
ويدعك مواعين
وبين الناس طواعين
وف الشارع بيلفت الأنظار
كلمتين وربع
الفار قلب سبع
وكلاب تجري ورا الضبع

والحصان بقى حمار
كلمتين تقوم الحرب
ومن حرفين كلمه حب
وحياه كلها كذب
وندي لنفسنا أذار

الفهرس

المحتويات

٣	الإهداء
٥	ليل الغلابه
٧	الصاحب الأصيل
٩	سكة مهجورة
١١	ندمان
١٣	الأنا
١٥	أرض الغلابه
١٨	ارسميني
٢١	غلبان
٢٣	أكبر خساره
٢٥	انا العليل
٢٨	الطوف بلدنا
٣٢	أمي
٣٥	اخوات
٣٧	غبار الظل

ليل الخلابة

- ٤٠ ساعة العصاري
- ٤٣ خطوتي
- ٤٧ مدرسة الحياة
- ٥٠ كارت احمر
- ٥٣ اللي باقي
- ٥٦ اسند ضهرك
- ٥٩ مانيش نبي
- ٦٣ غشيم
- ٦٥ الشتا
- ٦٨ ف القش
- ٧١ التركة
- ٧٦ يا مغطيه وشك
- ٩٤ الفهرس





الحياه شبه الموت
هما مخلوقين من نار
واحنا من طين مخلوقين
ليل الغلابه ممقوت
نفسنا ننعم بليله
في دنيا الشبعانيين

دار
البيديع العربي